

სსიპ - შოთა მესხიას ზუგდიდის სახელმწიფო
სასწავლო უნივერსიტეტის აკადემიური საბჭოს
2022 წლის 29 მარტის 25 დადგენილებით

ცვლილებები შესულია
2022 წლის 4 აპრილის 24 დადგენილებით

პროფესიულ საგანმანათლებლო პროგრამებზე პროფესიულ სტუდენტთა ჩარიცხვის წესი

მუხლი 1. ზოგადი დებულება

1. წინამდებარე წესი შემუშავებულია „პროფესიულ საგანმანათლებლო პროგრამაზე ჩარიცხვის წესისა და პირობების დამტკიცების შესახებ“ საქართველოს განათლების და მეცნიერების მინისტრის 2021 წლის 2 ივლისის №42/ნ ბრძანების შესაბამისად და განსაზღვრავს სსიპ-შოთა მესხიას ზუგდიდის სახელმწიფო სასწავლო უნივერსიტეტში (შემდეგში „უნივერსიტეტი“) პროფესიულ საგანმანათლებლო პროგრამებზე პროფესიულ სტუდენტთა ჩარიცხვის წესსა და პირობებს, პროფესიულ საგანმანათლებლო პროგრამაზე აპლიკანტთა შერჩევის ვადებს, შეფასების თარიღების შესახებ აპლიკანტთა ინფორმირების ფორმებს, შეფასების მეთოდებსა და ეტაპებს, შესარჩევი და სააპელაციო კომისიების ფორმირების, მათი მუშაობის, გადაწყვეტილების მიღების წესს, აპელაციის წესსა და ვადებს, საჭიროების შემთხვევაში აპლიკანტის განსხვავებულ თარიღში შეფასების უზრუნველყოფის წესსა და კოლეჯის მიერ განსაზღვრულ სხვა პირობებს.
2. აღნიშნული წესის მიზანია პროფესიულ სტუდენტთა ინტერესებზე ორიენტირებული, ობიექტური და გამჭვირვალე მიდგომით, პროფესიული განათლების ხელმისაწვდომობის უზრუნველყოფა.

მუხლი 2. ტერმინთა განმარტება

1. **პროფესიული საგანმანათლებლო პროგრამა** - (შემდგომში „პროგრამა“) სასწავლო მიზნების, სწავლის შედეგების, მოდულის/მოდულების, შესაბამისი კრედიტების, სწავლების მეთოდების, შეფასების ფორმებისა და სასწავლო პროცესის ორგანიზების თავისებურებათა ერთობლიობა.
2. **პროფესიული სტუდენტი** - (შემდგომში „სტუდენტი“) პირი, რომელიც სწავლობს პროფესიულ საგანმანათლებლო პროგრამაზე, მოკლე ციკლის საგანმანათლებლო პროგრამაზე ან იმ პროფესიულ საგანმანათლებლო პროგრამაზე, რომელიც ხორციელდება სამუშაოზე დაფუძნებული სწავლების მიდგომით.
3. **სპეციალური საგანმანათლებლო საჭიროების მქონე პირი** - (შემდგომში სსსმ პროფესიული სტუდენტი) „შეზღუდული შესაძლებლობის მქონე პირთა უფლებების შესახებ“ საქართველოს კანონით განსაზღვრული პირი, აგრეთვე პირი, რომელსაც გამოხატული აქვს სწავლასთან დაკავშირებული სირთულეები ან/და შეზღუდული შესაძლებლობა და რომელიც საჭიროებს სასწავლო პროცესის ადაპტაციას, რაც გულისხმობს პროფესიული საგანმანათლებლო პროგრამის/მოკლე ციკლის საგანმანათლებლო პროგრამის/პროფესიული მომზადების პროგრამის/პროფესიული გადამზადების პროგრამის/სახელმწიფო ენაში მომზადების პროგრამის მოდიფიკაციას, ინდივიდუალური სასწავლო გეგმის შედგენას, სასწავლო გარემოსა და პირობების შეცვლას ან/და დამატებით სპეციალურ საგანმანათლებლო მომსახურებას.
4. **დუალური პროგრამა** - პროფესიული საგანმანათლებლო სტანდარტის საფუძველზე შემუშავებული პროფესიული საგანმანათლებლო პროგრამა, რომლის სავალდებულო პროფესიული მოდულებით გათვალისწინებული სწავლის შედეგების 50% ან მეტი რეალურ სამუშაო გარემოში მიიღწევა პარტნიორ საწარმოსთან გაფორმებული ურთიერთანამშრომლობის ხელშეკრულების ფარგლებში.

5. საშუალო პროფესიული საგანმანათლებლო პროგრამა, რომელშიც ინტეგრირებულია ზოგადი განათლების საშუალო საფეხურის სწავლის შედეგები - (შემდეგში „ინტეგრირებული პროგრამა“) ეროვნული სასწავლო გეგმის საშუალო საფეხურის მოთხოვნების ასახვა პროგრამის იმ კომპონენტებში, რომლებიც ორიენტირებულია საკვანძო კომპეტენციების ან/და ტრანსფერული უნარების გამომუშავებასა და განვითარებაზე.
6. შერჩევა - პროგრამაზე ჩარიცხვის მიზნით აპლიკანტთა შეფასება.
7. რეიტინგული ქულა - აპლიკანტის მიერ შეფასების შედეგად მიღებული ქულა, გარდა იმ შემთხვევისა, როდესაც აპლიკანტი არის სოციალურად დაუცველი ოჯახების მონაცემთა ერთიან ბაზაში საარსებო შემწეობის მიმღები პირი.

მუხლი 3. აპლიკანტთა შერჩევა

1. აპლიკანტთა შერჩევა მოიცავს პროგრამაზე ჩარიცხვის მიზნით აპლიკანტთა შეფასების პროცესს.
2. შერჩევის პერიოდი, ტესტირებისა და სწავლის დაწყების თარიღი განისაზღვრება საქართველოს განათლებისა და მეცნიერების მინისტრის ინდივიდუალური ადმინისტრაციულ-სამართლებრივი აქტით/აქტებით.

მუხლი 4. შერჩევასა და სსიპ - შეფასებისა და გამოცდების ეროვნული ცენტრის მიერ ორგანიზებულ ტესტირებაში მონაწილეობის უფლება

1. უნივერსიტეტის მიერ ორგანიზებულ შერჩევაში მონაწილეობის უფლება აქვს სსიპ - განათლების მართვის საინფორმაციო სისტემაში რეგისტრირებულ აპლიკანტს, რომელიც ფლობს საბაზო/სრული ზოგადი განათლების დამადასტურებელ ან მასთან გათანაბრებულ დოკუმენტს და აკმაყოფილებს პროფესიის სპეციფიკიდან გამომდინარე, პროფესიული საგანმანათლებლო სტანდარტით დადგენილ დაშვების წინაპირობას.
2. სსიპ - შეფასებისა და გამოცდების ეროვნული ცენტრის მიერ ორგანიზებულ ტესტირებაში (შემდგომში „ტესტირება“) მონაწილეობის უფლება აქვს იმ აპლიკანტს, რომელმაც მინისტრის მიერ განსაზღვრულ საშუალო და უმაღლეს პროფესიულ საგანმანათლებლო პროგრამებზე ჩარიცხვის მიზნით რეგისტრაციისას აირჩია ერთი ან რამდენიმე პროფესიული საგანმანათლებლო პროგრამა, გარდა იმ აპლიკანტებისა, რომელთაც რეგისტრაციისას ქართული ენის გარდა მითითებული აქვთ სხვა ენა.
3. უმაღლეს პროფესიულ საგანმანათლებლო პროგრამაზე სწავლის გაგრძელების უფლების მოსაპოვებლად, აუცილებელია მინისტრის ბრძანებით განსაზღვრული ტესტების ჩაბარება.
4. მინისტრის ინდივიდუალური ადმინისტრაციულ-სამართლებრივი აქტით განსაზღვრულ საშუალო პროფესიულ პროგრამაზე სწავლის გაგრძელების უფლების მოსაპოვებლად, შესაძლებელია უნივერსიტეტის მიერ მოთხოვნილი იყოს ტესტირების გავლა აკადემიურ უნარებში ან/და გასაუბრება ან/და პროგრამის სპეციფიკის გათვალისწინებით გამოიყენოს შერჩევის დამატებითი მეთოდი.

მუხლი 5. შერჩევა საბაზო და საშუალო პროფესიულ საგანმანათლებლო პროგრამებზე

1. თითოეულ საბაზო და ზოგიერთ საშუალო პროფესიულ საგანმანათლებლო პროგრამაზე (მათ შორის, დუალური და ინტეგრირებული მიდგომით განხორციელებულ პროგრამებზე), აპლიკანტთა შერჩევა ხორციელდება უნივერსიტეტის რექტორის ინდივიდუალური ადმინისტრაციულ-სამართლებრივი აქტით დადგენილ ვადებში, რომლის შესახებ ინფორმაცია აისახება სარეგისტრაციო სისტემაში.
2. შერჩევა საშუალო პროფესიულ საგანმანათლებლო პროგრამაზე, რომელიც არ მოიცავს ინტეგრირებულ ზოგად მოდულებს შესაძლოა ითვალისწინებდეს მხოლოდ სსიპ - შეფასებისა და გამოცდების ეროვნული ცენტრის (შემდგომ - ცენტრი) მიერ ორგანიზებულ ტესტირებას (შემდგომში - ტესტირება) ან ტესტირებას და უნივერსიტეტის მიერ განსაზღვრულ ალტერნატიულ შეფასების მეთოდს.

3. იმ საშუალო პროფესიულ საგანმანათლებლო პროგრამებზე, რომლებზეც აპლიკანტთა შეფასება ხორციელდება სსიპ - შეფასებისა და გამოცდების ეროვნული ცენტრის მიერ ორგანიზებული ტესტირების საფუძველზე, ტესტირების მაქსიმალური ქულა განისაზღვრება 50 ქულით, ხოლო მინიმალური კომპეტენციის ზღვარი - უნივერსიტეტის რექტორის ინდივიდუალური ადმინისტრაციული-სამართლებრივი აქტით.
4. საბაზო და საშუალო პროფესიულ საგანმანათლებლო პროგრამებზე, გარდა ინტეგრირებული მიდგომით განხორციელებული პროგრამებისა, შეფასების მეთოდად ტესტირება შესაძლებელია გამოყენებულ იქნას რეგისტრირებულ აპლიკანტთა რაოდენობიდან გამომდინარე. ე.წ. ორეტაპიანი შერჩევის დროს, აპლიკანტები გაივლიან სსიპ - შეფასებისა და გამოცდების ეროვნული ცენტრის მიერ ორგანიზებულ ტესტირებას საბაზო ზოგად უნარებში და მინიმალური კომპეტენციის ზღვრის გადალახვის შემთხვევაში, მონაწილეს მიაღებენ შერჩევის მეორე ეტაპზე, გარდა წინამდებარე მუხლის 24-ე პუნქტით განსაზღვრული გარემოებისა
5. შეფასების თარიღების შესახებ აპლიკანტთა ინფორმირებას უზრუნველყოფს უნივერსიტეტის პროფესიული განათლების დეპარტამენტი ოფიციალური ელექტრონული ფოსტისა ან/და ცხელი ხაზის მეშვეობით ან/და სატელეფონო ზეპირი ან წერილობითი კომუნიკაციის ფორმით, აპლიკანტების მიერ რეგისტრაციის დროს მითითებულ ელექტრონული ფოსტაზე ან/და მობილური ტელეფონის ნომერზე, შეფასების თარიღის დადგომამდე არაუგვიანეს 2 სამუშაო დღით ადრე. ასევე, შეფასების თარიღის შესახებ ინფორმაციის განთავსებას უნივერსიტეტის ოფიციალურ ვებგვერდზე, შეფასებამდე არაუგვიანეს 2 სამუშაო დღით ადრე.
6. შერჩევა ხორციელდება ქართულ ენაზე, გარდა ამ მუხლის მე-6 პუნქტით გათვალისწინებული შემთხვევისა.
7. ის აპლიკანტები, რომლებსაც რეგისტრაციისას მითითებული აქვთ სხვა ენა, არ მონაწილეობენ სსიპ - შეფასებისა და გამოცდების ეროვნული ცენტრის მიერ ორგანიზებულ ტესტირებაში და მათთვის უნივერსიტეტი განსაზღვრავს შეფასების ალტერნატიულ მეთოდს.
8. შერჩევა შესაძლებელია განხორციელდეს ასევე რუსულ, აზერბაიჯანულ ან სომხურ ენებზე. უნივერსიტეტი ვალდებულია ამ გზით ჩარიცხული პროფესიული სტუდენტებისთვის პროგრამაზე სწავლება დაიწყოს ქართული ენის მოდულით. ქართული ენის მოდულის დაუძლეველობის შემთხვევაში, პირს უწყდება პროფესიული სტუდენტის სტატუსი. ქართული ენის მოდულის დაძლევის შემთხვევაში, პროფესიული სტუდენტი სარგებლობს გარდამავალი (მომლოდინე) პროფესიული სტუდენტის სტატუსით და უფლებამოსილია:
 - ა) სწავლა განაგრძოს იმავე პროგრამაზე, რომელზეც განხორციელდა მისი ჩარიცხვა. ამ შემთხვევაში, მას პროფესიული სტუდენტის სტატუსი გაუაქტიურდება პირადი განცხადების საფუძველზე, შემდგომი მიღების ფარგლებში ამ პროგრამაზე ჩარიცხული პროფესიული სტუდენტების მიერ სწავლის დაწყებისთანავე;
 - ბ) ამ პუნქტის „ა“ ქვეპუნქტით განსაზღვრული უფლებამოსილების განხორციელების შეუძლებლობის შემთხვევაში, დაწესებულების მიერ განსაზღვრული წესის შესაბამისად ისარგებლოს შიდა მობილობით კანონდებლობით დადგენილი წესით;
 - გ) ისარგებლოს გარე მობილობით, მინისტრის მიერ დადგენილი წესით;
 - დ) შეინარჩუნოს მის მიერ მოპოვებული სამართლებრივი მდგომარეობა.
9. საბაზო და ზოგიერთ საშუალო პროფესიულ საგანმანათლებლო პროგრამაზე შეფასების მეთოდი განისაზღვრება უნივერსიტეტის რექტორის ინდივიდუალური ადმინისტრაციული-სამართლებრივი აქტით. შეფასების მეთოდად შესაძლოა გამოყენებულ იქნას მოტივაციური გასაუბრება ან შემოქმედებითი ტური ან პრაქტიკული მოსინჯვა ან პროგრამის სპეციფიკის გათვალისწინებით სხვა ალტერნატიული მეთოდი, რომელიც თავის მხრივ გამოავლენს აპლიკანტთა მოტივაციას და დაინტერესებას შერჩეული პროფესიისადმი.
10. ფორსმაჟორული და ობიექტური გარემოებებისა და რეგისტრირებულ აპლიკანტთა რაოდენობიდან გამომდინარე უნივერსიტეტი იღებს გადაწყვეტილებას შერჩევის მეთოდის შესაბამის ფორმატსა (პირისპირ/დისტანციურად) და შერჩევის დამატებით ვადასთან დაკავშირებით.

11. ზოგიერთ საბაზო და საშუალო პროფესიულ საგანმანათლებლო პროგრამებზე, გარდა ინტეგრირებული მიდგომით განხორციელებული პროგრამებისა, ე.წ. ორეტაპიანი შერჩევის დროს, აპლიკანტები გაივლიან სსიპ - შეფასებისა და გამოცდების ეროვნული ცენტრის მიერ ორგანიზებულ ტესტირებას და მინიმალური კომპეტენციის ზღვრის გადალახვის შემთხვევაში, მონაწილეს მიაღებენ შერჩევის მეორე ეტაპზე.
12. იმ შემთხვევაში, თუ აპლიკანტი ვერ გადალახავს უნივერსიტეტის მიერ განსაზღვრულ მინიმალური კომპეტენციის ზღვარს იმ პროფესიულ საგანმანათლებლო პროგრამებზე, რომლებზეც შერჩევის ერთ-ერთ მეთოდად განსაზღვრულია სსიპ - შეფასებისა და გამოცდების ეროვნული ცენტრის მიერ ორგანიზებული ტესტირება, დაკარგავს ჩარიცხვის უფლებას.
13. შერჩევის მეთოდების ან/და შიდა ტესტირების ან/და სხვა გამოყენებული მეთოდებისას მინიმალური კომპეტენციის ზღვრები მტკიცდება უნივერსიტეტის რექტორის ინდივიდუალური ადმინისტრაციულ-სამართლებრივი აქტით.
14. უნივერსიტეტი უზრუნველყოფს დიფერენცირებულ შეფასებას და მინიმალური კომპეტენციის ზღვრის დადგენას შერჩევის ეტაპის დაწყებამდე.
15. უნივერსიტეტი საქართველოს განათლების და მეცნიერების მინისტრის მიერ განსაზღვრულ შერჩევის პერიოდში სარეგისტრაციო სისტემაში ასახავს აპლიკანტთა შეფასების შედეგებს.
16. აპლიკანტის შეფასების შედეგი წარმოადგენს მის რეიტინგულ ქულას, გარდა იმ შემთხვევისა, როდესაც აპლიკანტი სოციალურად დაუცველი ოჯახების მონაცემთა ერთიან ბაზაში რეგისტრირებულია, როგორც საარსებო შემწეობის მიმღები პირი. აღნიშნულ შემთხვევაში მისი რეიტინგული ქულა განისაზღვრება შეფასების შედეგად მიღებული ქულის 1.1. კოეფიციენტზე გამრავლებით.
17. საბაზო პროფესიულ პროგრამაზე დგება ორი რეიტინგული სია განათლების მიღწეული დონის მიხედვით:
 - ა) იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა ზოგადი განათლების საბაზო საფეხური;
 - ბ) იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონე აღემატება ზოგადი განათლების საბაზო საფეხურს.
18. საშუალო პროფესიულ პროგრამაზე დგება ორი რეიტინგული სია განათლების მიღწეული დონის მიხედვით:
 - ა) იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა სრული ზოგადი განათლება;
 - ბ) იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა სრული ზოგადი განათლების საფუძველზე მიღებული პროფესიული ან სრულ ზოგად განათლებასთან გათანაბრებული პროფესიული ან/და უმაღლესი განათლება.
19. იმ საშუალო პროფესიულ საგანმანათლებლო პროგრამაზე, რომელშიც ინტეგრირებულია ზოგადი განათლების საშუალო საფეხურის სწავლის შედეგები პროგრამაზე რეიტინგული სია დგება მხოლოდ იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა ზოგადი განათლების საბაზო საფეხური.
20. თუ აპლიკანტთა რაოდენობა ნაკლებია პროგრამაზე მისაღები ადგილების რაოდენობაზე, რეიტინგულ სია დგება ყველა იმ აპლიკანტის გათვალისწინებით (მიუხედავად განათლების მიღწეული დონისა), რომელთა რეიტინგული ქულა უტოლდება ან აღემატება უნივერსიტეტის მიერ პროგრამისთვის დადგენილ მინიმალური კომპეტენციის ზღვარს.
21. თანაბარი რეიტინგული ქულის მქონე აპლიკანტები რეიტინგულ სიაში დაიკავებენ ერთსა და იმავე ადგილს, ხოლო სიის ნუმერაცია გაგრძელდება თითოეული ადგილისთვის თანაბარქულიანი აპლიკანტების რაოდენობის გათვალისწინებით.
22. მართვის სისტემა, რეიტინგულ სიას ადგენს, აპლიკანტის შეფასების შედეგების, სოციალურად დაუცველი ოჯახების მონაცემთა ერთიან ბაზაში საარსებო შემწეობის მიმღები პირის სტატუსისა და განათლების მიღწეული დონის გათვალისწინებით,

რომელიც მტკიცდება უნივერსიტეტის რექტორის ინდივიდუალური ადმინისტრაციულ-სამართლებრივი აქტით.

23. მართვის სისტემა, უზრუნველყოფს უნივერსიტეტის აპლიკანტთა რეიტინგული სიების ხელმისაწვდომობას თითოეული პროგრამის მიხედვით, შერჩევის ეტაპის დასრულებიდან 5 სამუშაო დღის ვადაში, ხოლო აპლიკანტთათვის ინფორმაციის ხელმისაწვდომობას რეიტინგში მისი ადგილის შესახებ რეიტინგული ქულის გათვალისწინებით, ყველა არჩეული პროგრამის მიხედვით, უნივერსიტეტის მიერ შესაბამის პროგრამაზე არსებული თავისუფალი ადგილების რაოდენობის გაზრდის ვადის ამოწურვიდან 3 სამუშაო დღის ვადაში.
24. საბაზო და საშუალო პროფესიულ საგანმანათლებლო პროგრამებზე შერჩევას უზრუნველყოფს უნივერსიტეტის რექტორის ინდივიდუალური ადმინისტრაციულ-სამართლებრივი აქტით შექმნილი შესაბამისი კომისია, რომლის შემადგენლობაც დაკომპლექტებულ იქნება როგორც უნივერსიტეტის, ასევე პარტნიორი ორგანიზაციების წარმომადგენლებისაგან, გარდა იმ პროფესიული საგანმანათლებლო პროგრამის/პროგრამებისა, რომელზეც/რომლებზეც შერჩევის მეთოდად განსაზღვრულია მხოლოდ სსიპ - შეფასებისა და გამოცდების ეროვნული ცენტრის მიერ ორგანიზებული ტესტირება.
25. უნივერსიტეტი უფლებამოსილია საბაზო და საშუალო პროფესიულ საგანმანათლებლო პროგრამებზე (მათ შორის, ინტეგრირებული მიდგომით განხორციელებულ პროგრამებზე) რეგისტრირებული კონკრეტული აპლიკანტისათვის განსაზღვროს მოტივაციური გასაუბრებისა და შემოქმედებითი ტურის განსხვავებული თარიღი, შერჩევის დროების დამთხვევისას, ან იმ პირის მიმართ, რომელმაც, შერჩევისათვის დადგენილ ვადაში, ახალი კორონავირუსის (COVID -19) გავრცელების პირობებში ვერ მოახერხა გამოცხადება შემდეგი მიზეზის გამო - იმყოფებოდა: „ოკუპირებული ტერიტორიების შესახებ“ საქართველოს კანონის მე-2 მუხლის „ა“ და „ბ“ ქვეპუნქტებით გათვალისწინებულ ტერიტორიებზე, საკარანტინო სივრცეში/თვითიზოლაციაში, საკარანტინო ზონაში, ქვეყნის ფარგლებს გარეთ, სამკურნალო დაწესებულებაში/იზოლაციაში ახალი კორონა ვირუსით გამოწვეული ინფექციის, COVID-19-ის დამადასტურებელი დოკუმენტაციის წარმოდგენის/უნივერსიტეტის ოფიციალურ ელექტრონულ ფოსტაზე გადმოგზავნის შემთხვევაში, შერჩევის ფორმატის გათვალისწინებით, მაგრამ არაუგვიანეს საქართველოს განათლებისა და მეცნიერების მინისტრის მიერ განსაზღვრული შერჩევის პერიოდისა.
26. იმ საშუალო პროფესიულ საგანმანათლებლო პროგრამაზე რეგისტრირებული აპლიკანტი, რომელზეც შერჩევის მეთოდად განსაზღვრულია სსიპ - შეფასებისა და გამოცდების ეროვნული ცენტრის მიერ ორგანიზებული ტესტირება და უნივერსიტეტის მიერ დაგეგმილი მოტივაციური გასაუბრება და მინისტრის მიერ განსაზღვრულ საგამონაკლისო გარემოებებიდან გამომდინარე ვერ გამოცხადდება შემდეგი მიზეზების გათვალისწინებით (იმყოფება: „ოკუპირებული ტერიტორიების შესახებ“ საქართველოს კანონის მე-2 მუხლის „ა“ და „ბ“ ქვეპუნქტებით გათვალისწინებულ ტერიტორიებზე, საკარანტინო სივრცეში/თვითიზოლაციაში, საკარანტინო ზონაში, ქვეყნის ფარგლებს გარეთ, სამკურნალო დაწესებულებაში/იზოლაციაში ახალი კორონავირუსის (COVID-19)-ის დადასტურების გამო), გათავისუფლებულია ტესტირებიდან, ვალდებულია გამოცხადდეს უნივერსიტეტის მიერ ორგანიზებულ მოტივაციურ გასაუბრებაზე.
27. იმ საშუალო პროფესიულ საგანმანათლებლო პროგრამაზე რეგისტრირებული აპლიკანტი, რომელზეც შერჩევის მეთოდად განსაზღვრულია მხოლოდ სსიპ - შეფასებისა და გამოცდების ეროვნული ცენტრის მიერ ორგანიზებული ტესტირება და არ გამოცხადდება ტესტირებაზე მინისტრის მიერ განსაზღვრული საგამონაკლისო გარემოებების (იმყოფება: „ოკუპირებული ტერიტორიების შესახებ“ საქართველოს კანონის მე-2 მუხლის „ა“ და „ბ“ ქვეპუნქტებით გათვალისწინებულ ტერიტორიებზე, საკარანტინო სივრცეში/თვითიზოლაციაში, საკარანტინო ზონაში, ქვეყნის ფარგლებს გარეთ, სამკურნალო დაწესებულებაში/იზოლაციაში ახალი კორონავირუსის (COVID-19)-ის დადასტურების გამო) გარდა, დაკარგავს ჩარიცხვის უფლებას.
28. იმ საბაზო და საშუალო პროფესიულ საგანმანათლებლო პროგრამებზე რეგისტრირებული აპლიკანტი, რომლებზეც რეგისტრირებულ აპლიკანტთა რაოდენობიდან გამომდინარე განსაზღვრულია სსიპ - შეფასებისა და გამოცდების ეროვნული ცენტრის მიერ ორგანიზებული ტესტირება საბაზო ზოგად უნარებში და არ

გამოცხადდება შემდეგი საგამონაკლისო გარემოებების (იმყოფება: „ოკუპირებული ტერიტორიების შესახებ“ საქართველოს კანონის მე-2 მუხლის „ა“ და „ბ“ ქვეპუნქტებით გათვალისწინებულ ტერიტორიებზე, საკარანტინო სივრცეში/თვითიზოლაციაში, საკარანტინო ზონაში, ქვეყნის ფარგლებს გარეთ, სამკურნალო დაწესებულებაში/იზოლაციაში ახალი კორონავირუსის (COVID-19)-ის დადასტურების) გამო, ვალდებულია გამოცხადდეს უნივერსიტეტის მიერ ორგანიზებულ მოტივაციურ გასაუბრებაზე/შემოქმედებით ტურზე.

მუხლი 6. ჩარიცხვა უმაღლეს პროფესიულ საგანმანათლებლო პროგრამაზე

1. უმაღლეს პროფესიულ საგანმანათლებლო პროგრამაზე ჩარიცხვისთვის აპლიკანტთა შეფასება ხორციელდება სსიპ - შეფასებისა და გამოცდების ეროვნული ცენტრის (შემდგომში - ცენტრი) მიერ ორგანიზებული ტესტირების საფუძველზე, რომლის ჩატარების თარიღი განისაზღვრება საქართველოს განათლებისა და მეცნიერების მინისტრის ინდივიდუალური ადმინისტრაციულ-სამართლებრივი აქტით.
2. უნივერსიტეტი უფლებამოსილია სსიპ - შეფასებისა და გამოცდების ეროვნული ცენტრის (შემდგომში - ცენტრი) მიერ ორგანიზებული ტესტირების გარდა აპლიკანტების შერჩევის სხვა მეთოდიც გამოიყენოს - მოტივაციური გასაუბრება/შემოქმედებითი ტური და სხვა.
3. სსიპ - შეფასებისა და გამოცდების ეროვნული ცენტრის (შემდგომში - ცენტრი) მიერ ორგანიზებული ტესტირებისთვის მინიმალური კომპეტენციის ზღვარს ადგენს ცენტრის დირექტორი, ხოლო უნივერსიტეტის მიერ განსაზღვრული შერჩევის მეთოდის მინიმალური კომპეტენციის ზღვარს - უნივერსიტეტი.
4. იმ შემთხვევაში, თუ აპლიკანტი ვერ გადალახავს ცენტრის მიერ გათვალისწინებული მინიმალური კომპეტენციის ზღვარს დაკარგავს ჩარიცხვის უფლებას.
5. აპლიკანტის შეფასების შედეგი წარმოადგენს მის რეიტინგულ ქულას, გარდა იმ შემთხვევისა, როდესაც აპლიკანტი სოციალურად დაუცველი ოჯახების მონაცემთა ერთიან ბაზაში რეგისტრირებულია, როგორც საარსებო შემწეობის მიმღები პირი. აღნიშნულ შემთხვევაში მისი რეიტინგული ქულა განისაზღვრება შეფასების შედეგად მიღებული ქულის 1.1. კოეფიციენტზე გამრავლებით.
6. უმაღლესი პროფესიული საგანმანათლებლო პროგრამის აპლიკანტის რეიტინგული ქულა დგინდება ჩარიცხვის წლის ტესტირების შედეგის საფუძველზე.
7. უმაღლეს პროფესიულ პროგრამაზე დგება ორი რეიტინგული სია განათლების მიღწეული დონის მიხედვით:

ა) იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა სრული ზოგადი განათლება;

ბ) იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა პროფესიული ან უმაღლესი განათლება.

8. თუ აპლიკანტთა რაოდენობა ნაკლებია პროგრამაზე მისაღები ადგილების რაოდენობაზე, რეიტინგული სია დგება ყველა იმ აპლიკანტის გათვალისწინებით (მიუხედავად განათლების მიღწეული დონისა), რომელთაც გადალახული აქვთ მინიმალური კომპეტენციის ზღვარი.
9. თანაბარი რეიტინგული ქულის მქონე აპლიკანტები რეიტინგულ სიაში დაიკავებენ ერთსა და იმავე ადგილს, ხოლო სიის ნუმერაცია გაგრძელდება თითოეული ადგილისთვის თანაბარქულიანი აპლიკანტების რაოდენობის გათვალისწინებით.

მუხლი 7. ჩარიცხვის პირობები და დარჩენილი თავისუფალი ადგილების შევსება (არსებობის შემთხვევაში)

1. საბაზო პროფესიულ პროგრამაზე მისაღები ადგილების რაოდენობის 70%-ის ფარგლებში, ჩარიცხვა ხორციელდება იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა ზოგადი განათლების საბაზო საფეხური, ხოლო 30%-ის ფარგლებში, ჩარიცხვა ხორციელდება იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონე აღემატება ზოგადი განათლების საბაზო საფეხურს.
2. საშუალო პროფესიულ და უმაღლეს პროფესიულ საგანმანათლებლო პროგრამებზე, პროგრამაზე გამოცხადებული ადგილების რაოდენობის 70%-ის ფარგლებში, აპლიკანტთა ჩარიცხვა ხორციელდება იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა სრული ზოგადი განათლება, ხოლო პროგრამაზე გამოცხადებული ადგილების რაოდენობის 30%-ის ფარგლებში, რეიტინგული სია დგება იმ აპლიკანტთა რეიტინგული ქულის გათვალისწინებით, რომელთა განათლების მიღწეული დონეა პროფესიული ან/და უმაღლესი განათლება.
3. აპლიკანტი, რომელსაც რეგისტრაციისას არჩეული აქვს რამდენიმე პროგრამა, უფლებამოსილია ჩარიცხოს მხოლოდ ერთ პროგრამაზე.
4. თუ აპლიკანტს რეგისტრაციისას რამდენიმე პროფესიული საგანმანათლებლო პროგრამა აქვს არჩეული, ამ წესის მე-5 მუხლის მე-19 პუნქტით გათვალისწინებული ინფორმაციის აპლიკანტისთვის ხელმისაწვდომობის შემდეგ, მინისტრის ინდივიდუალური ადმინისტრაციულ-სამართლებრივი აქტით დადგენილ ვადაში, სარეგისტრაციო სისტემაში ირჩევს მის მიერ რეგისტრაციისას მითითებული იმ პროფესიული საგანმანათლებლო პროგრამებიდან ერთ-ერთს, რომელზეც მოიპოვა ჩარიცხვის უფლება და ადგილზე წარადგენს აღნიშნულ პროგრამაზე ჩარიცხვისათვის უნივერსიტეტის მიერ განსაზღვრულ დოკუმენტებს.
5. რეიტინგულ სიაში, აპლიკანტის ადგილს იკავებს რეიტინგული სიის მიხედვით შემდეგი აპლიკანტი:
 - ა) ამ მუხლის პირველი პუნქტით გაწერილი წესის საფუძველზე უნივერსიტეტის მიერ აპლიკანტის ჩარიცხვაზე უარის თქმის შემთხვევაში;
 - ბ) აპლიკანტის მიერ ჩარიცხვაზე უარის თქმის შემთხვევაში;
 - გ) აპლიკანტის სხვა პროგრამაზე ჩარიცხვის შემთხვევაში.
6. პროგრამაზე მისაღები ადგილების რაოდენობის ფარგლებში მიღწეული განათლების დონის მიხედვით გამოყოფილი ადგილების შეუვსებლობის შემთხვევაში, ეს ადგილები გამოიყენება მეორე რეიტინგულ სიაში მყოფ აპლიკანტთა ჩარიცხვისთვის.
7. უნივერსიტეტი კანონმდებლობით დადგენილი წესით უზრუნველყოფს პროგრამაზე ჩარიცხულ პირთა შესახებ ინფორმაციისა და დარჩენილი თავისუფალი ადგილების შევსებისთვის განსახორციელებელი ღონისძიებების ასახვას პროფესიული განათლების მართვის საინფორმაციო სისტემაში, საქართველოს განათლებისა და მეცნიერების მინისტრის მიერ განსაზღვრული სწავლის დაწყების თარიღის დადგომამდე.
8. პროფესიულ სტუდენტთა ჩარიცხვის დასრულების შემდეგ, დარჩენილი თავისუფალი ადგილების შევსების მიზნით, უნივერსიტეტი უფლებამოსილია ინფორმაცია შესავსებდეს ადგილების შესახებ, მინისტრის მიერ განსაზღვრულ ვადებში ასახოს პროფესიული განათლების მართვის საინფორმაციო სისტემაში.
9. შესავსები ადგილების რაოდენობის განსაზღვრის მიზნით, უნივერსიტეტი იყენებს ჩარიცხვის დასრულების შემდეგ პროგრამაზე მისაღები ადგილებიდან დარჩენილ თავისუფალ ადგილებს.
10. უნივერსიტეტი უფლებამოსილია თავისუფალი ადგილების შევსების მიზნით, საშუალო პროფესიული საგანმანათლებლო პროგრამების შემთხვევაში, ინტეგრირებულ პროგრამაზე მისაღები ადგილების ფარგლებში დარჩენილი თავისუფალი ადგილების რაოდენობა გამოიყენოს მეორე სასწავლო გეგმით განხორციელებულ პროგრამაზე

აპლიკანტთა ჩარიცხვის მიზნით, ავტორიზაციის საბჭოს მიერ ამ პროგრამაზე შესაბამისი სასწავლო გეგმისათვის განსაზღვრული პროფესიულ სტუდენტთა ზღვრული ოდენობის ფარგლებში.

11. მართვის სისტემა უზრუნველყოფს დარჩენილი თავისუფალი ადგილების შესახებ ინფორმაციის მიწოდებას იმ აპლიკანტებისათვის, რომლებმაც ვერ მოიპოვეს პროფესიული სტუდენტის სტატუსი.
12. აპლიკანტი, რომელიც ვერ ჩაირიცხა მის მიერ არჩეულ პროგრამაზე, უფლებამოსილია საქართველოს განათლებისა და მეცნიერების მინისტრის მიერ განსაზღვრულ ვადაში აირჩიოს არაუმეტეს 3 პროგრამა.
13. პროფესიულ სტუდენტთა ჩარიცხვის დასრულების შემდეგ, დარჩენილი თავისუფალი ადგილების შევსების მიზნით გამოცხადებული მიღების ფარგლებში, გარდა იმ პროგრამებისა, რომლებზეც შერჩევა ხორციელდება ცენტრის მიერ ორგანიზებული ტესტირების გზით, აპლიკანტთა რეგისტრაციისათვის დადგენილი პროცედურების შესაბამისად, რეგისტრაციის უფლება აქვს ნებისმიერ პირს, რომელიც აკმაყოფილებს პროგრამაზე დაშვების წინაპირობას.
14. უმაღლეს პროფესიულ საგანმანათლებლო პროგრამის არჩევის უფლება აქვს იმ აპლიკანტს, რომელსაც ჩარიცხვის წელს ჩაბარებული აქვს შესაბამისი პროგრამისთვის დადგენილი ტესტი.

მუხლი 8. უმაღლეს პროფესიულ საგანმანათლებლო პროგრამაზე ტესტირების გავლის გარეშე ჩარიცხვა

1. უმაღლეს პროფესიულ საგანმანათლებლო პროგრამაზე ტესტირების გავლის გარეშე ჩარიცხვის უფლება შესაძლოა მიენიჭოთ:
 - ა) უცხოეთში მცხოვრებ თანამემამულის სტატუსის მქონე უცხო ქვეყნის მოქალაქეებს;
 - ბ) საქართველოს მოქალაქეებს, რომლებმაც ზოგადი განათლების საშუალო საფეხური დაასრულეს უცხო ქვეყნის ზოგადსაგანმანათლებლო დაწესებულებაში, უმაღლეს პროფესიულ საგანმანათლებლო პროგრამაზე ჩარიცხვის ან ჩარიცხვის წინა წელს და რომელთა განათლება აღიარებულ იქნა კანონმდებლობით დადგენილი წესით;
 - გ) საქართველოს მოქალაქეებს და „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ“ საქართველოს კანონის მე-2013 მუხლით გათვალისწინებულ პირებს, რომლებმაც ზოგადი განათლების საშუალო საფეხური დაასრულეს „ოკუპირებული ტერიტორიების შესახებ“ საქართველოს კანონით გათვალისწინებულ ოკუპირებულ ტერიტორიაზე არსებულ ზოგადსაგანმანათლებლო დაწესებულებაში, უმაღლეს პროფესიულ საგანმანათლებლო პროგრამაზე ჩარიცხვის ან ჩარიცხვის წინა წელს და რომელთა სრული ზოგადი განათლება აღიარებულ იქნა სამინისტროს მიერ დადგენილი წესით.
 - დ) თავშესაფრის მაძიებელ, ლტოლვილის ან ჰუმანიტარული სტატუსის მქონე პირებს.
2. ამ მუხლის პირველი პუნქტით გათვალისწინებულ პირებზე ვრცელდება რეგისტრაციისთვის „პროფესიულ საგანმანათლებლო პროგრამაზე ჩარიცხვის წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2021 წლის 2 ივლისის №42/ნ ბრძანებით განსაზღვრული პირობები, ხოლო შერჩევის წესი და პირობები განისაზღვრება უნივერსიტეტის რექტორის ინდივიდუალური ადმინისტრაციულ-სამართლებრივი აქტით.
3. წინამდებარე მუხლის პირველი პუნქტით განსაზღვრული პირების ჩარიცხვის შესახებ გამოიცემა უნივერსიტეტის რექტორის ინდივიდუალური ადმინისტრაციულ-სამართლებრივი აქტი და სრულდება დარჩენილი თავისუფალი ადგილების შევსების (არსებობის შემთხვევაში) ეტაპამდე.

მუხლი 9. სპეციალური საგანმანათლებლო საჭიროების მქონე აპლიკანტთა პროგრამაზე ჩარიცხვის პროცედურები

1. უნივერსიტეტი ახორციელებს ინკლუზიურ პროფესიული განათლებას, რაც გულისხმობს თანაბრად ხელმისაწვდომ საგანმანათლებლო პროცესს, რომლის ფარგლებშიც ყველა პროფესიული სტუდენტისა და მსმენელისათვის უზრუნველყოფილია განათლების ინდივიდუალური საგანმანათლებლო საჭიროებისა და შესაძლებლობის გათვალისწინებით მიღება.
2. სპეციალური საგანმანათლებლო საჭიროების მქონე პირებისათვის, რომელსაც გამოხატული აქვთ სწავლასთან დაკავშირებული სირთულეები ან/და შეზღუდული შესაძლებლობა და საჭიროებენ სასწავლო პროცესის ადაპტაციას, რაც გულისხმობს პროფესიული საგანმანათლებლო პროგრამის/მოკლე ციკლის საგანმანათლებლო პროგრამის/პროფესიული მომზადების პროგრამის/პროფესიული გადამზადების პროგრამის/სახელმწიფო ენაში მომზადების პროგრამის მოდიფიკაციას, კოლეჯი უზრუნველყოფს ინდივიდუალური სასწავლო გეგმის შედგენას, სასწავლო გარემოსა და პირობების შეცვლას ან/და დამატებით სპეციალურ საგანმანათლებლო მომსახურებას.
3. პროგრამაზე მისაღები სპეციალური საგანმანათლებლო საჭიროების მქონე აპლიკანტთა რაოდენობას უნივერსიტეტი ასახავს ანკეტა-კითხვარში, პროფესიულ სტუდენტთა ზღვრული ოდენობის ზემოთ, გამოცხადებული ადგილების 15%-ის ფარგლებში.
4. თითოეულ პროფესიულ საგანმანათლებლო პროგრამაზე სსსმ აპლიკანტთა შერჩევა (პრაქტიკული მოსინჯვა) ხორციელდება უნივერსიტეტის რექტორის ინდივიდუალური ადმინისტრაციულ-სამართლებრივი აქტით დადგენილ ვადებში, რომლის შესახებ ინფორმაცია აისახება სარეგისტრაციო სისტემაში.
5. უნივერსიტეტის პროფესიული განათლების დეპარტამენტი შეფასების თარიღების შესახებ სსსმ აპლიკანტთა ინფორმირებას უზრუნველყოფს უნივერსიტეტის ოფიციალური ელექტრონული ფოსტისა ან/და ცხელი ხაზის ან/და სატელეფონო წერილობითი ან ზეპირი კომუნიკაციის მეშვეობით, აპლიკანტის/კანონიერი წარმომადგენლის მიერ რეგისტრაციის დროს მითითებულ ელექტრონული ფოსტაზე ან/და მობილური ტელეფონის ნომერზე, შეფასების თარიღის დადგომამდე არაუგვიანეს 2 სამუშაო დღით ადრე. ასევე, შეფასების თარიღის შესახებ ინფორმაციის განთავსებას კოლეჯის ოფიციალურ ვებგვერდზე, შეფასებამდე არაუგვიანეს 2 სამუშაო დღით ადრე.
6. საბაზო, საშუალო და უმაღლეს პროფესიულ საგანმანათლებლო პროგრამებზე შეფასების მეთოდად გამოყენებულ იქნება პრაქტიკული მოსინჯვა, რაც გულისხმობს პირის მიერ პროგრამისთვის ყველაზე დამახასიათებელი აქტივობის/აქტივობების პრაქტიკულ შესრულებას მის ინდივიდუალურ საჭიროებებსა და შესაძლებლობებზე მორგებულ პირობებში, რომელსაც თან ახლავს რეფლექსიის პროცესი და რომელიც ემსახურება აპლიკანტის მიერ საკუთარ შესაძლებლობებსა და პროფესიულ ინტერესებში უკეთ გარკვევას, დამკვირვებლების მიერ კონკრეტულ პროფესიასთან/პროგრამასთან მიმართებით პირის ძლიერი და სუსტი მხარეების განსაზღვრას.
7. უნივერსიტეტი უფლებამოსილია სპეციალური საგანმანათლებლო საჭიროების მქონე აპლიკანტების პრაქტიკული მოსინჯვის ვადების განსაზღვრისას გაითვალისწინოს რეგისტრაციის დასრულებამდე პერიოდიც, იმ დათქმით, რომ ყველა აპლიკანტს ექნება პრაქტიკული მოსინჯვის გავლის შესაძლებლობა.
8. თუ პროგრამაზე დარეგისტრირებული აპლიკანტების რაოდენობა აღემატება პროგრამისთვის სპეციალური საგანმანათლებლო საჭიროების მქონე აპლიკანტებისთვის გათვალისწინებულ ადგილების რაოდენობას, ჩარიცხვის დროს უპირატესობა ენიჭება სპეციალური საგანმანათლებლო საჭიროების მქონე აპლიკანტს, რომელიც პირველად მოიპოვებს პროფესიული სტუდენტის სტატუსს. ამასთან, შესაძლოა შერჩევის კომისიის მიერ რეკომენდაციის შემუშავებისას გათვალისწინებულ იქნას სოციალური სტატუსი (რომელიმე მოწყვლადი ჯგუფის წარმომადგენელი (მაგ. სოციალურად დაუცველი ოჯახიდან, მინდობით აღზრდაში მყოფი/მცირე საოჯახო ტიპის დაწესებულებიდან/სახელმწიფო ზრუნვაში მყოფი ან სახელმწიფო ზრუნვიდან გასული, მრავალშვილიანი ოჯახის წევრი), არ არის ჩართული განათლების სხვა საფეხურზე და

სხვა. იმ შემთხვევაში თუ ჩამოთვლილ კრიტერიუმებს აკმაყოფილებს ორი ან მეტი აპლიკანტი, მათ შორის პრიორიტეტი მიენიჭება სპეციალური საგანმანათლებლო საჭიროების მქონე იმ აპლიკანტს, რომელიც უფრო ადრე გაივლის რეგისტრაციას (თვე, რიცხვი, საათი, წუთი, წამი) პროფესიულ საგანმანათლებლო პროგრამაზე.

9. სპეციალური საგანმანათლებლო საჭიროების მქონე აპლიკანტთა პროგრამებზე ჩარიცხვის მიზნით, უნივერსიტეტი გამოსცემს ინდივიდუალურ ადმინისტრაციულ-სამართლებრივ აქტს, მონაცემებს ასახავს სარეგისტრაციო სისტემაში და უზრუნველყოფს სპეციალური საგანმანათლებლო საჭიროების მქონე აპლიკანტის ინფორმირებას საქართველოს განათლებისა და მეცნიერების მინისტრის მიერ განსაზღვრულ შერჩევის პერიოდში.
10. სპეციალური საგანმანათლებლო საჭიროების მქონე აპლიკანტთა ჩარიცხვის დასრულების შემდეგ, დარჩენილი თავისუფალი ადგილების შევსების მიზნით, უნივერსიტეტი უფლებამოსილია ინფორმაცია შესავსები ადგილების შესახებ, საქართველოს განათლებისა და მეცნიერების მინისტრის მიერ განსაზღვრულ ვადებში ასახოს პროფესიული განათლების მართვის საინფორმაციო სისტემაში.
11. შესავსები ადგილების რაოდენობის განსაზღვრის მიზნით, უნივერსიტეტი იყენებს ჩარიცხვის დასრულების შემდეგ, პროგრამაზე მისაღები სპეციალური საგანმანათლებლო საჭიროების მქონე აპლიკანტებისთვის განსაზღვრული ადგილებიდან დარჩენილ თავისუფალ ადგილებს.
12. უნივერსიტეტის რექტორის ბრძანებით გათვალისწინებული დოკუმენტების წარდგენის შემდეგ, პროგრამაზე სწავლის დაწყებამდე, ინდივიდუალური ადმინისტრაციულ-სამართლებრივი აქტით რიცხავს სპეციალური საგანმანათლებლო საჭიროების მქონე აპლიკანტებს შესაბამის პროგრამაზე და აფორმებს ხელშეკრულებას ამ აპლიკანტთან/მის კანონიერ წარმომადგენელთან. ჩარიცხული პროფესიული სტუდენტების შესახებ მონაცემებს სწავლის დაწყების თარიღის დადგომამდე ასახავს პროფესიული განათლების მართვის საინფორმაციო სისტემაში.
13. პირის სპეციალური საგანმანათლებლო საჭიროების დადასტურების მიზნით შეფასება არ ხორციელდება იმ შემთხვევაში, თუ უკვე არსებობს მულტიდისციპლინური გუნდის შეფასების დასკვნა, რომლის მომზადებიდან არ გასულა 3 წელი, გარდა იმ შემთხვევისა, როცა აპლიკანტი/აპლიკანტის კანონიერი წარმომადგენელი ითხოვს განმეორებით შეფასებას ან მულტიდისციპლინური გუნდი საჭიროდ მიიჩნევს განმეორებით შეფასებას. თუ ამ პუნქტით განსაზღვრულ შემთხვევაში არ ხდება აპლიკანტის განმეორებითი შეფასება, გამოყენებულ უნდა იქნას მულტიდისციპლინური გუნდის შეფასებისთვის განსაზღვრული წესით შედგენილი ბოლო დასკვნა.

მუხლი 10. აპლიკანტის მიერ ჩასარიცხად ჩასარიცხად წარსადგენი დოკუმენტაციის ნუსხისა და წარდგენის ვადების განსაზღვრის შესახებ

1. აპლიკანტებმა ჩარიცხვისათვის სასწავლო უნივერსიტეტში უნდა წარმოადგინონ დოკუმენტაცია (მატერიალურად ან ელექტრონულად):

ა) იმ პროგრამებზე, რომლებზეც დაშვების წინაპირობაა სრული ზოგადი განათლება:

1. სრული ზოგადი განათლების დამადასტურებელი დოკუმენტის (ატესტატი) ან განათლების დამადასტურებელი იმ დოკუმენტ/ებ/ის ნოტარიულად დამოწმებული ასლ/ებ/ი, რომლის დაძლევა შეუძლებელი იქნებოდა სრული ზოგადი განათლების გარეშე (უმალესი განათლების დამადასტურებელი დიპლომი);
2. -ფოტოსურათი 3X4 ზე 1 ცალი,
3. -პირადობის მოწმობის /პასპორტის ასლი.
4. -დეენილის / სოციალურად დაუცველის მოწმობის არსებობის შემთხვევაში.

5. -პროფესიის სპეციფიკიდან გამომდინარე, პროფესიული სტანდარტით გათვალისწინებული დამატებითი მოთხოვნების დამადასტურებელი დოკუმენტი.

ბ) იმ პროგრამებზე, რომლებზეც დაშვების წინაპირობაა საბაზო განათლება:

1. -საბაზო განათლების დამადასტურებელი დოკუმენტის (ატესტატის) ან განათლების დამადასტურებელი იმ დოკუმენტ/ებ/ის ნოტარიულად დამოწმებული ასლ/ებ/ი, რომლის დამღვევა შეუძლებელი იქნებოდა საბაზო განათლების გარეშე (პროფესიული განათლების დამადასტურებელი დიპლომი);
2. -ფოტოსურათი 3X4 ზე 1 ცალი,
3. -პირადობის მოწმობის /პასპორტის ასლი.
4. -დევენილის / სოციალურად დაუცველის მოწმობის არსებობის შემთხვევაში.
5. -პროფესიის სპეციფიკიდან გამომდინარე, პროფესიული სტანდარტით გათვალისწინებული დამატებითი მოთხოვნების დამადასტურებელი დოკუმენტი.

ბ) არასრულწლოვანი/ქმედუუნარო/შეზღუდულქმედუუნარიანი აპლიკანტებისთვის დამატებით წარმოსადგენი დოკუმენტაცია:

1. დაბადების მოწმობის ასლი.
2. მშობლის/კანონიერი წარმომადგენლის პირადობის მოწმობის /პასპორტის ასლი. კანონიერი წარმომადგენლობის შესაბამისი დამადასტურებელი დოკუმენტის ასლი.
2. აპლიკანტი, რომელსაც განათლება მიღებული აქვს უცხოეთში/საქართველოს ოკუპირებულ ტერიტორიაზე, სხვა ჩამონათვალთან ერთად ვალდებულია სასწავლო უნივერსიტეტს წარმოუდგინოს სსიპ განათლების ხარისხის განვითარების ეროვნული ცენტრის მიერ, კანონმდებლობით დადგენილი წესის შესაბამისად გაცემული მიღებული განათლების აღიარების დამადასტურებელი დოკუმენტი/ატესტატი.
4. სასწავლო უნივერსიტეტსა და პროფესიულ სტუდენტს შორის ფორმდება სასწავლო ხელშეკრულება (არასრულწლოვანი/ქმედუუნარო/შეზღუდულქმედუუნარიანი პროფესიული სტუდენტის შემთხვევაში - პროფესიული სტუდენტის მშობელს/კანონიერ წარმომადგენელს შორის);
3. უნივერსიტეტი უფლებამოსილია აპლიკანტს არ მოსთხოვოს განათლების დამადასტურებელი დოკუმენტი, თუ აღნიშნული განათლების შესაბამისი საფეხურის დამღვევა, აპლიკანტის რეგისტრაციის მომენტში, დადასტურებულია სსიპ - განათლების მართვის საინფორმაციო სისტემის (შემდგომში - მართვის სისტემა) მიერ.
4. ჩასარიცხად წარმოსადგენი დოკუმენტაცია წარმოდგენილ უნდა იქნას მატერიალური სახით, გარდა იმ შემთხვევისა, როდესაც აპლიკანტი/კანონიერი წარმომადგენელი ობიექტური მიზეზის გამო (კოვიდ პანდემიის, ჯანმრთელობის მდგომარეობის და სხვა ფორსმაჟორული მდგომარეობის გამო) ვერ ახერხებს ზემოაღნიშნული დოკუმენტაციის მატერიალურად წარმოდგენას. ჩასარიცხად გაწერილი დოკუმენტაცია ელექტრონული სახით გადმოგზავნილ უნდა იქნას უნივერსიტეტი ოფიციალურ ელექტრონულ ფოსტაზე-info@zssu.edu.ge
5. უნივერსიტეტი უზრუნველყოფს აპლიკანტების ჩარიცხვას პროგრამისათვის გამოცხადებული ადგილების რაოდენობისა და რეიტინგულ სიაში აპლიკანტის რიგითობის გათვალისწინებით, უმაღლესიდან უმდაბლესისკენ, აპლიკანტის მიერ წერილობით გამოხატული ნებისა და ჩასარიცხად წარსადგენი დოკუმენტაციის საფუძველზე.

6. უნივერსიტეტის მიერ ჩასარიცხად გაწერილი დოკუმენტების უნივერსიტეტის რექტორის მიერ განსაზღვრულ ვადებში წარუდგენლობა ან არასრულყოფილად წარდგენა გახდება აპლიკანტის ჩარიცხვაზე უარის თქმის საფუძველი.
7. სასწავლო უნივერსიტეტის ინდივიდუალური ადმინისტრაციულ-სამართლებრივი აქტის საფუძველზე ჩარიცხული პროფესიული სტუდენტების სტატუსი რეესტრის წარმოებაზე პასუხისმგებელი პირის მიერ აქტის გამოცემიდან 3 დღის ვადაში აისახება შესაბამის რეესტრში.

მუხლი 11. აპლიკანტთა შერჩევა

1. აპლიკანტთა შერჩევა გულისხმობს პროგრამაზე ჩარიცხვის მიზნით აპლიკანტთა შეფასებას.
2. შერჩევის პერიოდი, ტესტირებისა და სწავლის დაწყების თარიღი განისაზღვრება მინისტრის ინდივიდუალური ადმინისტრაციულ-სამართლებრივი აქტით/აქტებით.
3. შერჩევა ხორციელდება ქართულ ენაზე, გარდა უცხოენოვანი პროგრამებისა.

მუხლი 12. შესარჩევი კომისიის ფორმირების, მათი მუშაობის, გადაწყვეტილების მიღების წესი

1. აპლიკანტთა შერჩევის მიზნით კომისიის შესაქმნელად პროფესიული განათლების განვითარების დეპარტამენტი წერილობით მიმართავს რექტორს და წარუდგენს კანდიდატებს, მათ შორის შერჩევის პროცესის ადმინისტრატორების კანდიდატებს.
2. კომისიის მუშაობის ორგანიზაციულ-ადმინისტრაციულ მხარდაჭერას უზრუნველყოფს შერჩევის პროცესის ადმინისტრატორ(ებ)ი.
3. შერჩევის პროცესის ადმინისტრატორის ფუნქცია-მოვალეობებია:
 - ა) შესარჩევი კომისიის სხდომის დღის წესრიგისა და თარიღის შეთანხმება;
 - ბ) უნივერსიტეტისა და პარტნიორი ორგანიზაციების წარმომადგენლების შერჩევის ეტაპზე მოწვევის ორგანიზება;
 - გ) შერჩევის კომისიისათვის რეგისტრირებულ აპლიკანტთა სიების მიწოდების უზრუნველყოფა;
 - დ) მოტივაციური გასაუბრების/შემოქმედებითი ტურის გრაფიკის შედგენა;
 - ე) შეფასების თარიღების შესახებ აპლიკანტთა ინფორმირება;
 - ვ) აპლიკანტთა ნაკადის მართვა;
5. აპლიკანტთა შეფასების მიზნით შექმნილი კომისია შედგება მინიმუმ სამი წევრისაგან და შემადგენლობაში შედიან როგორც უნივერსიტეტის, ასევე პარტნიორი ორგანიზაციების წარმომადგენლები.
6. აპლიკანტთა მოტივაციური გასაუბრება და შემოქმედებითი ტური ხორციელდება წინასწარ შემუშავებული კრიტერიუმების საფუძველზე.
7. გასაუბრებისას კომისიის თითოეული წევრი ინდივიდუალურად აფასებს აპლიკანტს, წინასწარ დადგენილი შეფასების კრიტერიუმების მიხედვით და შეჰყავს სპეციალურ პროგრამაში, სადაც სისტემა ავტომატურად აჯამებს და გამოჰყავს საშუალო ქულა რომელიც მიენიჭება აპლიკანტს;.

მუხლი 13. უნივერსიტეტის მიერ ორგანიზებული აპლიკანტთა შერჩევის ფარგლებში წარმოშობილი სააპელაციო კომისიის მუშაობისა და გადაწყვეტილების მიღების წესი

1. შერჩევისას წარმოშობილი პრეტენზიების განხილვის მიზნით, უნივერსიტეტის რექტორის ბრძანებით იქნება სააპელაციო კომისია, რომლის შემადგენლობაში შედიან როგორც უნივერსიტეტის, ასევე პარტნიორი ორგანიზაციების წარმომადგენლები.
2. შერჩევისას აპლიკანტს უფლება აქვს მიმართოს სააპელაციო კომისიას მოტივაციური გასაუბრებისათვის გაწერილი კრიტერიუმებისა და შემოქმედებითი ტურის ფარგლებში შესასრულებელი დავალების შეფასების კომპონენტში, შერჩევის თარიღიდან 1 (ერთი) სამუშაო დღის ვადაში.
3. სააპელაციო კომისიის მიერ განცხადება (საჩივარი) განხილული უნდა იქნას მისი წარდგენიდან 1 (ერთი) სამუშაო დღის ვადაში.
4. საპრეტენზიო განცხადებაში უნდა იყოს მკაფიოდ მითითებული პრეტენზიის შინაარსი. წინააღმდეგ შემთხვევაში განცხადება არ განიხილება სააპელაციო კომისიის მიერ.
5. სააპელაციო კომისიის შემადგენლობაში არ შეიძლება შედიოდეს შერჩევის კომისიის წევრი, რომელიც მონაწილეობას იღებდა აპლიკანტის გასაუბრებასა და შემოქმედებითი ტურის შეფასებაში.
6. სააპელაციო კომისია გადაწყვეტილებას იღებს დამსწრე წევრების ხმათა უმრავლესობით. ხმათა თანაბრად გადანაწილების შემთხვევაში გამამწყვეტია სააპელაციო კომისიის თავმჯდომარის ხმა.
7. სააპელაციო კომისიის თავმჯდომარის არყოფნის შემთხვევაში, სხდომაზე დამსწრე წევრები ირჩევენ სხდომის თავმჯდომარეს, რომელსაც უფლებამოსილება უწყდება სხდომის დასრულებისთანავე.
8. სააპელაციო კომისიის გადაწყვეტილება ფორმდება შესაბამისი კომისიის სხდომის ოქმით, რომელსაც ხელს აწერენ სხდომაზე დამსწრე წევრები. სააპელაციო კომისიის წევრს უფლება აქვს თავისი განსხვავებული აზრი დაურთოს ოქმს, რის შესახებაც ოქმში კეთდება შესაბამისი ჩანაწერი.
9. სააპელაციო კომისიის მიერ მიღებული გადაწყვეტილების შედეგად გამოვლენილი ხარვეზები აისახება შესაბამისი კომისიის სხდომის ოქმში და შემდგომი რეაგირებისათვის ეგზავნება აპლიკანტთა შესარჩევ კომისიას.

მუხლი 14. ცვლილებები და დამატებები

წინამდებარე წესში ცვლილებები შესაძლოა შევიდეს უნივერსიტეტის უფლებამოსილი ორგანოს მიერ.